

天

脈訣刊誤
上

18-19

新安汪機著

石山醫案

脉訣刊誤 石山醫案 素問秘鈔 運氣易覽

外科理例 痘治理辯 鍼灸問答 推求師意

板藏初門樸墅

脉訣刊誤集解序

醫流鮮讀王氏脉經而偏
熟于脉訣訣盖庸下人所
撰其疏謬也奚怪哉戴同
父儒者也而究心於醫書
刊脉訣之誤又集古鑿經

及諸家說爲之解予謂此
兒童之謠俚俗之語何足
以辱通人點竄之筆况解
書爲其高深玄奧不得不
借易曉之辭以明難明之
義也今歌訣淺近夫人能

知之而反援引高深玄奧
者爲証則是以所難明解
所易曉得無類奏九韶三
夏之音以聰折楊皇花之
耳乎同父曰此歌誠淺近
然醫流僅知習此而已竊

朋言子諒集解序
慮因其書之誤而遂以誤
人也不行而見迷途之人其
能已於一呼哉予察同父
之言蓋仁人之用心如是
而著書其可也臨川吳澄
序

愚久見此序而未見此
書歲乙巳秋得之於金
陵郝安常伯卽借而傳
抄之慨予光陰有限故
不及全而節其要云朱
升題

代賦

不夫及公全論論與西夏二

以之遊子夫會師列

漢族安常命情常

書寫心白日煇粉之然金

愚人具此而末見

脉訣刊誤序

予賦質孱弱留意於醫久矣故
於醫家諸書必廣求力索之頗
有所積而脉訣刊誤亦嘗手錄
以藏每閱讀之際遇可疑處輒
爲之沮難明處輒爲之蔽展轉
於心殊爲之不快祁門許誠之

業儒而兼於醫誤聞予名遠來
相因一日出其師石山汪先生
脉訣刊誤補註二卷附錄二卷
皆其所校錄者予亟閱一過於
沮者犁然以通蔽者燦然以開
喜悅之心不能已已嗚呼人之
強弱由血氣之盛衰血氣之盛

衰必驗之脉息之虛實然後可
以知其病之所從起而施之治
非潛心於素難脉經諸書卒未
易得其真是集蓋撮素難脉經
之要而成之者也刊誤之名義
悉見諸舊序可無容喙醫亦儒
者事事親撫幼之際誠不可忽

果能熟於此集以立其體復參
諸本草以達其用若以自治則
可以却病以之事親則可以全
孝以之撫幼則又免陷於不慈
其爲民生日用之助不旣多矣
乎予姻友吳君子用遂捐貲刻
之梓以公於人人亦盛心哉然

則石山集諸家之大成者也誠
之能習其傳者也子用能成人
之美者也法皆當書因併書之
以冠于篇首

嘉靖壬午冬十月望日休寧程
曾師魯序

曹朝魯

萬壽無疆

以我千歲首

之美齊出

文誦發其

陳蘇由

脉訣刊誤序

昔朱文公跋郭長陽醫書謂俗
間所傳脉訣辭最鄙淺非叔和
本書殊不知叔和所輯者脉經
也當叔和時未有歌括此蓋後
人特假其名以取重于世耳據
爲韻語取便講習故人皆知口

熟脉訣以爲能而不復究其經
之爲理也元季同父戴君深以
爲病因集諸書之論正于歌括
之下名曰脉訣刊誤鄉先正風
林朱先生爲節抄之予始聞是
書于歙之舊家彼視爲秘典不
輕以示人予備重貲不遠數百

里往拜其門手錄以歸然而傳
寫既久未免脫誤予于是補其
缺而正其訛又取諸家脉書要
語及予所撰矯世惑脉論附錄
于後以擴刊誤未盡之旨誠胗
家之至要也將欲秘之以爲已
有則有辜作者之盛心欲梓之